



ULihle noLwandle bafunda ngoBusika

Ndivhuho Mutsila
Vusi Malindi





ULihle noLwandle bahamba ngebhasi
bavakashela umalume wabo eLesotho.

Uhambo lwabo lokuqala ngqa oluya ezweni
elincane elisezintabeni eziphezulu.



La mantombazane andawonye abuka indawo ngefasitela.

“Iqhwa lemboze yonke indawo!” kumemeza uLwandle ngokumangala.

“Ungathi yingubo emhlophe emboze yonke into,” kuvuma uLihle.



“Ngiyajabula leli bhasi lifudumele ngaphakathi!”
kubabaza uLwandle.

“Yebo, kuyabanda ngaphandle. UBusika bakule
ndawo buqhaq hazelisa amazinyo,” kusho uLihle.



“UBusika baseLesotho bubanda kakhulu bedlula obasekhaya eLimpopo,” kuqhubeka uLihle.

“Eyi! ngiyathemba ngipakishe izimpahla ezifudumele ezanele,” kusho uLwandle.



Liyafika ibhasi, baphakamisela umalume wabo owayebahlangabezile izandla. Ugqoke ijazi elikhulu, isikhafu nesigqoko.

“Ee-ee!” kusho uLwandle ephuma ebhasini eqhaqhazela.



Amajezi amantombazane alula kakhulu, kuleli zinga lokubanda lale ndawo.

Umalume uphathele abashana bakhe izingubo ezinhle ezifudumele.

“Nginyanemukela eBusika!” ebabingelela.



“Niqaphele lapho nihamba khona, lendawo ineqhwa futhi liyashelela,” ebaxwayisa.

Badlula iqqqwana lezimvu ezinoboya ziqoqene ndawonye ukuze zifudumale.



Ngaphansi kweqhwa, utshani bomile futhi bunsundu.


Akukho tshani obuningi obungamadlelo ezilwane.

Izitshalo eziningi ziyama ukukhula noma zife phakathi noBusika.



Amantombazane ahlala emlilweni eqhugwaneni likamalume.

Uwalethela inyama yenkomo enamazambane ashisayo. "Lokhu wukudla kwethu komdabu okubizwa ngokuthi, *i-lekhotloane* ngesi Sotho futhi kuzonifudumeza," kusho umalume.



“EBusika ilanga liyephuza ukuphuma bese liyashesha ukushona. Sizoba sendlini amahora amaningi,” kusho umalume.

“Sizilungiselele ngezincwadi nemidlalo,” esho kanye kanye amantombazane.

—Imibuzo

1. Bakuphi oLihle noLwandle? Thola lendawo ebalazweni.
2. Yisiphi isikhathi sonyaka?
3. Thola amagama amathathu achaza lesi sikhathi sonyaka.
4. Ingabe uBusika baseLesotho buyafana noBusika balapho ohlala khona? Chaza.
5. Yibuphi uBusika obuthanda kakhulu? Chaza.
6. Ucabanga ukuthi kungani izitshalo eziningi ziyeka ukukhula noma zifa phakathi noBusika?
7. Chaza ukuthi kungani eBusika ilanga lingasheshi ukuphuma futhi lishesha ukushona.



Ulwazi Lwethu is a Zenex Foundation funded and initiated project to develop a series of graded and leisure African language readers and teacher support materials. This project is targeted at teaching and supporting learners in the Foundation Phase to improve their home language reading and understanding. The readers have been originated in nine African languages in collaboration with Molteno Institute for Language and Literacies, Nelson Mandela Institute for Education and Rural Development, Room to Read South Africa, and Saide. All resources are developed as Open Education Resources (OER).



basic education

Department:
Basic Education
REPUBLIC OF SOUTH AFRICA

*The Ulwazi Lwethu readers and storybooks have
been quality assured and approved by DBE.*

Your attribution should include the following:

Title: ULihle noLwandle bafunda ngoBusika

Author/s: Ndivhuho Mutsila

Translator/s: Zanele Ndlovu

Illustrator/s: Vusi Malindi

Assurer/s: Sifiso Khoza

Language: isiZulu



© Zenex Foundation - Saide 2025 (Updated Edition)

CC BY includes the following elements:

BY  – Credit must be given to the creator

